



Bala pangan di Bintulu teperansang ngajar

Riput ari Vincent Yong

2 haribulan Lapan ianya hari ti mai pengaga ati ngagai bala pangan ba klaster Bintulu. Kami ngelancharka pusin ke duabelas program pemansang dedat hari nya begulai enggau 23 iku bala pangan ti begelumu ba rumah Benta Jalin ba Batu 28. Kami berengkah enggau belajar ke Pesan Ridvan taun 2008 enggau 2009 ngambika bala pangan mereti enggau silik agi reti program pemansang dedat.

Genteran ari Pesan Ridvan 2009 ti munyi tu: "Tu mih raban ti nemu pemesai pengulih ti disikap ba ia sereta nemu tangkup pengawa ti ditaga dalam niri ka baru dunya ti udah pechah", udah mandang ke pemesai reti kitai nemu pengulih diri dalam pengawa ngajar sereta angkat ngerembai ke Ajar Pengarap.

Maya tu kami mega bisi bejurai ke riput batang pengawa ari klaster Bintulu.

Bala pangan ti enggau ngagar dibagi ngagai lima iti grup lalu tempat ti endur deka ngajar mega ditetapkan dulu. Ngipak ke pengagit ati bala pangan maya tu dia kami ngeletak ke pelayuh orang ti deka dipasukka baru ngagai 50 iku.

Kami ngulang pelajar kami ngena Chara Anna sebedau nurun ngajar. Semua bala pangan berasai gagit sereta teperansang dalam timpuh dua minggu ti udah ditetapkan endur ngerembai ke Ajar, nyentukka 16 haribulan Lapan 2009. Ya Bahá'u'llabha!



"Tu mih raban ti nemu pemesai pengulih ti disikap ba ia sereta nemu tangkup pengawa ti ditaga dalam niri ka baru dunya ti udah pechah."

(Pesan Ridvan 2009)



“Anang rawan
meda penerima
mensia ari
semua lapis
jalai pengidup
ngagai Pesan
Bahá’u’lláh...”

“Angkat meh,
enggau ati sereta
pikir ti enda
pedulika
penyarut ba
dunya ti udah
runtuh tu, lalu
ngereja ungroup
diri dalam
pengawa kudus
tu”

*Ari Rumah Pengelurus
Serata Dunya kena 20hb
Duabelas, 2008 nuju bala
pangan ti begelumu ba
Aum Bengkah Menua di
Kuching*

Ngelancharka Pusin ke 16 di Kuching

Riput ari Yee Tsemin

Kena lemai 14hb Lapan 2009, dia mayuh bendar bala pangan ari semua tumpuk dalam klaster Kuching begelumu ba Bahá’í Centre ngulu pengerami ngelancharka program pemansang dedat pusin ke 16. Program lemai nya berengkah enggau sambiang lalu ditangkanka jaku peransang ari Kaban Penyanding Dr. Shehab Phung, jaku ari pengari Sarawak Baha’i Institiut sereta enggau jaku ari Sulang Benta, koordinator klaster Kuching.

Pengerami lemai nya mega ditambahka pemanah program pemerindang ati ari grup nemiakmit Taman Malihah ti udah chukup dilatih sereta balat bendar ngerindu ke ati.

Dalam pusin ke 16 tu, pengelama ngajar udah ditetapka sembilan hari, ari 15hb nyentukka 23hb lalu siti tempat ba Jalan Stutong udah dipilih endur ngajar. Ditu mayuh bendar orang ti lama udah gawa di pasar meli rumah sereta pindah ari menua pesisir.

Endang baka selama, dia bala pangan dipinta ngerintaika nama orang ti udah dikelala ti diau ba kawasan perumahan nya. Tang nambahka nya dia kesekali tu bala nemiak ti udah dibagi ngagai grup mega dipinta bejalai ari rumah sebuah ngagai rumah sebuah, ngetuk pintu sereta madah ke diri deka berandau ke ajar Pengarap Bahá’í ngagai orang ti diau ba rumah nya.

Sekumbang pengawa ti ngelancharka program pemansang dedat udah dipejalai di Kuching, tu meh ketrubah kali orang Bahá’í ngena chara ngajar ari rumah sebuah ngagai rumah sebuah. Tu meh pun cherita baru dalam pemansang Pengarap di menua tu.

Siku kaban kitai Bahá’í ti bisi bempu sebuah rumah enda jauh ari tempat ti endur ngajar mega nambah ka pemujur pengawa tu ari ti ngemendarka bala nemiak ti enggau ngajar bemalam ba rumah iya. Ba rumah tu meh sida nyendiaka diri ngajar maya dua ujung minggu tu.

Maya dua ujung minggu ti endur ngajar dia pemayuh orang ti nerima ajar Pengarap bisi tigapuluh iku, nyengkaum anakmit. Bala nemiak ti enggau ngajar maya tu, nitihka ti udah dilanggur, dibagi ngagai grup lalu sida bejalai ngetuk pintu rumah orang . Sapa ti ngembuan pending ti lansik sereta tebuka nya meh ti ulih sida. Pengawa ti ngetuk pintu lalu nanya sekali ka orang nya ulih berandau pasal Pengarap nya ukai pengawa ti mudah dikereja tang ukai mega ia pengawa ti enda ulih dikereja. Dulu suba endang baka tu meh chara orang ngerembai ka Pengarap di pasar Kuching tang pengawa tu lama udah enda kala dikena laban mayuh orang ngasaika ia enda tentu ngasi narit ati orang ngagai ajar Pengarap. Tang kesekali tu, chara tu ngasi ngeluwi ari jangka orang Bahá’í empu.

Pusin ke 16 udah mai pemenang ti tau endur semua kitai belajar— belajar merani ka diri nanya orang .

*Tu meh pun
cherita baru
dalam
pemansang
Pengarap di
menua tu.*

Berita pemansang ari Kapit

Riput ari Cikgu Jesion Meding

“Serumpu sambiang ukai semina ulih dikereja di rumah kitai aja, ia mega ulih dikereja kitai ba sekula”. Ditu Cikgu Jesion Meding nusui pengawa diri lebu ti mai bala anakmit ba sekula ti endur iya ngajar.

“Pengawa tu bepun ari aku ti nyadi warden lalu pia mega nyadi counselor ke anakmit sekula darjah 6 ba SK Nanga Kain, Kapit. Kena aku nentuka disiplin sereta ngiring anakmit sekula dalam pengawa ti pegai aku, dia kami berengkah enggau sembiang Bahá’í ti udah disediaka aku.

Laban serumpu ti baka tu tau digulu semua anakmit, enda milih agama enggau bansa sida, dia bala anakmit rindu bendar datai enggau kami serumpu sambiang. Diatu bisi 24 iku ari sida bisi enggau

Sekeda ari sida mega bisi minta aku nuliska sambiang nya ngambika bisi diberi ngagai sida.

serumpu sambiang ba rumah ti endur aku diau. Lebuh maya bisi peresa, aku mai sida serumpu sambiang lalu nyebut sambiang “Kati bisi pemuai penusah bukai ...” ngicha ka sida enda irau. Diatu pengawa serumpu sambiang tu nyau nyadi siti ari pengawa ti dikereja kami tiap kali bisi peresa. Sekeda ari sida mega bisi minta aku nuliska sambiang nya ngambika bisi diberi ngagai sida.

Nyau kelama, baka diatu, aku bisi meda sida berubah manah dalam perangai lalu sekeda ari sida bisi bulih gred ti tinggi dalam peresa sida.



Dian ti mit mega ulih mau

Riput ari Cikgu Jesion Meding

Taja pen jauh lalu nadai mayuh tubuh, tang dua iku nemiak di Kapit udah mujur ngepun ngajar klas nemiakmit ke sida dalam darjah 5 enggau



6. Bisi 9 iku sida belajar ba klas tu. Dua iku nemiak nguji enggau naka penemu diri

ngepuka klas tu. Taja pen seduai enda kala menyalaika pengawa ti baka nya tang seduai enda ngetu ngapa lalu seduai mega bisi dibantu coordinator klaster tu ngemansang ke pengawa ngajar klas nemiakmit tu. Pemanah pengawa seduai nemiakmit tu ukai semina mujur ngajar tang mega ulih nambah ke siti agi klas ti endur 14 iku nemiakmit baru belajar. Bala nemiakmit berasai gaga belajar lalu apai-indai sida mega berupai gaga ati ngasuh anak sida belajar. Sida sedar ke pemesai guna pelajar kudus ti bakatu ke pemansang pemanah ulah enggau perangai anak sida lalu selalu nanya kemaya anak sida ulih belajar baru.

lalu apai-indai sida mega berupai gaga ati ngasuh anak sida belajar.

Angkat ngamatka semaya

Riput ari Geriti Katik

Lebuh maya aum ti diatur dalam Bulan Duabelas tu kemari dia sekeda bala pangan bisi besemaya deka angkat bejalai ngajar. Dalam ujung Bulan Tujuh tu bisi enam iku nemiak ngulu kos pengelama saminggu di Kuching, kena 14hb nyentukka 20hb Tujuh, endur sida nyendia ka diri ngajar ba klaster ti udah dipilih endur sida gawa. Nemiak enam iku ianya Marina anak Benjamin, Emilia anak Ji-ea, Mawan anak Jaban, Sylvester anak Senabung, Salleh anak Anjat enggau William anak Gait.

Dalam timpuh saminggu nya dia sida belajarka Bup Ruhi 1 nyentukka 6 nyengkaum ngaga pratikal ba bup siti-siti. Sida mega bisi belatih tutor bup 7.

Nangkan ke nya sida belajar ke Pesan Ridvan 2008 enggau 2009, Surat kena 27hb Duabelas 2005, 30hb Sembilan 2007, meda video *Attaining Dynamics of Growth*, belajar ari pekara ti ditusui sereta ninga ke cherita ari sida ti kala angkat bejalai ngajar dulu ari tu, baka sida Pamila enggau Patricia Mona.

Sida mega bisi belajar meda riput *Cluster Profile* sereta ngaga *Plan of Action*.

Ba lemali ti kepenudi, dia Raban Gelumu Sambiang Bansa bisi ngatur berami makai bebala mayuh ba Baha'i Centre ke bala nemiak ti ngulu kos tu begulai enggau bala pangan ke bukai ba klaster Kuching. Pagi hari siti sida nemiak tu semua berangkat ngagai klaster ti udah diagihka endur sida gawa. Sida disadang gawa abis kurang pengelama tiga bulan. Aram kitai semua besampika pemujur pengawa sida. Ya Bahá'u'llabha!



Merindang ati ba Tebing

Bungai lalu kami sebilik bisi dipinta sama enggau datai. Kami sama berami makai enggau bemain lumba ba ai. Nambah ka nya siku pangan ti gawa nyadi manejer ba lading bejaku ngenang ulah-perangai ti manah ba pengamat sereta tau dikarapka orang bukai enggau pengrajin kitai gawa ngena ati ti lurus. Kami mega bisi berandau ka chara pengidup orang Bahá'í enggau meri ngagai duitpan.

Kena 30hb Lapan 2009 grup sida ti begulai belajar bup Ruhi ba Sungai Biar bisi

ngatur siti pengawa merindang ati ngagai tebing tasik ba Pantai